

漢

魏

遺

書

鈔

序錄

隋志漢曲臺長孟喜周易章句八卷殘缺

漢藝文志曰孟喜字長卿東海蘭陵人也父號孟卿善爲禮春秋授后蒼疏廣世所稱后氏禮疏氏春秋皆出孟卿以禮經多春秋煩雜乃使喜從田王孫受易喜好自稱譽得易家陰陽災變書詐言師田生且死時枕喜鄰獨傳喜諸儒以此耀之同門梁丘賀疏通證明之曰田生絕於施讐手中時喜歸東海安得此事又蜀人趙賓好小數書後

爲易飾易文以爲箕子明夷陰陽氣亡箕子箕子
者萬物方芟滋也賓持論巧慧易家不能難皆曰
非古法也云受孟喜喜爲名之後賓死莫能持其
說喜因不肯仞以此不見信喜舉孝廉爲郎曲臺
署長病免爲丞相掾博士缺衆人薦喜上聞喜改
師法遂不用喜喜授同郡白光少子沛翟牧子兄
皆爲博士繇是有翟孟白之學

京房受易梁人焦延壽延壽云從孟

喜問易會喜死房以延壽易卽孟氏學翟牧自生不肯曰非也

隋經籍志曰孟氏京氏有書無師

經典序錄曰孟易章句無上經又下經無旅至節
無上繫

釋一行曰十二月卦出于孟氏章句其說易本於
氣而後以人事明之

謨案朱氏經義考云許氏說文解字序言易稱孟
氏則所引皆孟氏易也而其字多與今文異今並
鈔出二十五條又釋文十一條周易集解二條詩
正義一條禮記疏二條

周易章句

漢 東海孟喜撰

宜黃黃錫禧校

夕惕若夤 夤敬惕也

泣涕愬如 愬泣下也

再三黷 黷握持垢也

以往遯 遯行難也

履虎尾 虩虩恐懼終吉

百穀草木麗乎地

日昃之離 昃日在西方時側也

有孚裕無咎

其牛翬 翬一角仰也

其人天且剝

君子豹變其文斐也 斐分別文也

楫馬壯吉 楫上升也

需有衣絮 絮緼也

夫乾霍然示人易矣 霍高至也

犇牛乘馬

重門擊橈

天地壹壹

雜而不越

燥萬物者莫熯乎離

爲馵頽

爲黔喙

無之屬字

孰飪

此下三條經義考云今本無是文不知當日何所屬也

桀黜

地可觀者莫可觀于木

弊 巽也

按說文此二條亦當屬孟氏易而經義考遺之

槽恒凶 槽柱砥古用木今以石

利之足以和義

下十五條並見釋文

咸其輔俠舌

齊卦 齊子西反進也

卽晉卦

君子以懲忿悛浴

徧辭也 徧周匝也

日中則稷

日中見主

窒其無人

我有好爵吾與爾靡之 好小也靡共也

繫辭焉而明之

夫坤退然示人簡矣

伏戲氏之王天下也

耒耨之利 耨耘除草也

象也者象也

雜卦也 雜亂也

陰疑于陽必戰 陰乃上薄疑似于陽必與陽戰也

李鼎祚周
易集解

象曰豐其屋天降祥也

天降下惡祥也

同上

時象六龍以御天故知天子駕六馬

毛詩疏引異義易孟京說

易有周人五號帝天稱一也王美稱二也天子爵號

三也大君者興盛行異四也大人者聖人德備五

也

曲禮疏引異義易孟京說

年二十行役三十受兵六十還兵

王制疏引異義易孟氏說

序錄

隋志漢魏郡太守京房周易章句十卷飛候九卷
漢書本傳曰京房字君明東郡頓丘人也治易事
梁人焦延壽延壽字贛贛常曰得我道以亡身者
必京生也其說長於災變分六十四卦更直日用
事以風雨寒溫爲候各有占驗房用之尤精

文獻通考晁氏曰漢藝文志易京氏凡三種八十
九篇隋經籍志有京氏章句十卷又有占候十種
七十三卷唐藝文志有京氏章句十卷而占候存

者五種二十三卷今其章句亡矣乃畧見於僧一行及李鼎祚之書今傳者曰京氏積算易傳三卷雜占條例法一卷或共題易傳四卷而名與古不同所謂積算易傳疑隋唐志之錯卦是也雜占條例法者疑隋唐志之逆刺占災異是也今以當時之書驗之蓋有孟氏京房十一篇災異孟氏京房六十六篇同爲一家之學則其源委孰可誣哉經義考曰案京氏易傳君子體仁作體信利物作利之福謙作富謙不惑作不貸殷薦作隱薦盱豫

作汙豫朋盍簪作攢剝床以膚作簠君子得與作
德輿朋來作所來朶頤作瑞頤水游至游作臻祗
旣平祗作禊大耋作經憧憧作憧憧夷于左股夷
作腴先張之弧後說之弧弧作壺赦過宥罪作尢
罪剝則作剝創吾與爾靡之作劇之月幾望作近
望繻有衣袽作絮旁行而不流作留天下之賔作
噴行其典禮作等禮再扞而後掛作卦可與酬酢
作醕易以貢作工洗心作先心包犧作伏戲坎爲
豕作彘爲瘠馬作柴馬爲吝作遘爲鼻足作朱足

爲矯輟作柔豫怠也怠作治皆與今易異辭見陸

氏釋文

案釋文所引易傳當屬章句本文

謨案京房易傳已刊入何氏叢書蓋卽晁氏所謂積算易傳三卷也而諸經註疏及史志所引易傳文尤多又皆不類意卽所謂雜占條例法或共題易傳者是也大抵京氏說易長于災異凡風角占候諸書皆可通爲易傳今故仍從各書採補凡鈔出尙書疏一條周禮疏一條春秋疏一條公羊傳注一條穀梁傳注三條史記天官書注二條前漢

書五行志六十三條後漢書五行志三條三國志
注一條宋書志五條南齊書志二條隋書志一條
水經注一條類聚二條書鈔二條續博物志一條
御覽十條而以史記索隱所引京氏章句冠列篇
首明章句文體本當如此且以存隋唐二志舊目
也其五星占別對災異諸條仍附入飛候別自爲
卷

京房易傳

漢東郡京房撰

豐城呂林輝校

可用汲王明竝受其福言我之道可汲而用上有明主汲我道而用之天下竝受其福故曰王明竝受其

福

史記
索隱

成湯嫁妹之辭曰無以天子之尊而乘諸侯無以天子之富而驕諸侯陰之從陽女之順夫本天地之義也往事爾夫必以禮義

此從因學紀聞
鈔出未詳原本

陽感天不旋日陽謂天子也天子行善以感天不廻

漢書卷之四
四
旋經曰

尚書疏

鳳凰麟前鹿後蛇頸龜背魚尾雞喙燕翼五采高二

尺漢世鳳凰數出五色

周禮疏○史記正義引此云鳳凰鴈前麟後雞喙燕領蛇

頸龜背魚尾駢

翼高丈二尺

麟麋身牛尾狼額馬蹄有五采腹下黃高丈二

春秋疏

旱異者旱久而不害物也斯祿去公室禍由下作故

陽雖不施而陰道獨行以成萬物也

公羊傳注

日者陽之精人君之象驕溢專明爲陰所侵則有日

食之災不救必有篡臣之萌其救也君懷謙虛下賢

受諫任德日食之災爲消也

君假與臣權隕霜不殺草

前漢志引此云臣有緩茲謂不順厥異霜不殺也

從叛者茲謂不明厥妖木冬實

並穀梁傳注

日赤黃爲薄或曰不交而食曰薄

前漢志引此云凡日食不以晦朔者

名曰薄人君誅將不以禮或賊臣將暴起日月雖不同宿陰氣盛薄日光也說郭又引飛侯云凡日食皆於晦朔不以晦朔食者名曰薄主人民有災患也

天撓爲眞赤地千里枯骨藉藉

並史記天官書注

顓事有知誅罰絕理厥災水其水也雨

後漢志作而

殺人

以隕霜大風天黃飢而不損茲謂泰厥災水水殺人

辟遇有德茲謂狂厥災水水流殺人已水則地生蟲
歸獄不解茲謂追非厥水寒殺人追誅不解茲謂不
理厥水五穀不收大敗不解茲謂皆陰解舍也王者
於大敗誅首惡赦其衆不則皆函陰氣厥水流入國
邑隕霜殺穀

欲德不用茲謂張厥災荒荒旱也其旱陰雲不雨變

而赤因而除師

後漢志作因四陰衆
宋志又作煙四際衆

出過時茲謂廣

其旱不生上下皆蔽茲謂隔其旱天赤三月時有雹
殺飛禽上緣求妃茲謂僭其旱三月大溫亡雲居高

臺府茲謂犯陰侵陽其旱萬物根死數有火災庶位踰節茲謂僭其旱澤物杙爲火所傷

祿不遂行茲謂欺厥咎與雨雪四至而溫臣安祿樂逸茲謂亂與而生蟲知罪不誅茲謂舒其與夏則暑殺人冬則物華實重過不誅茲謂亡徵其咎當寒而與六日

有德遭陰茲謂逆命厥異寒誅過深當與而寒盡六日亦爲雹害正不誅茲謂養賊寒七十二日殺蜚禽道人始去茲謂傷其寒物無霜而死涌水出戰不量

敵茲謂辱命其寒雖雨物不茂聞善不予厥咎聳
興兵妄誅茲謂亡法厥災霜夏殺五穀冬殺麥誅不
原情茲謂不仁其霜夏先大雷風冬先雨廼隕霜有
芒角賢聖遭害其霜附木不下地佞人依刑茲謂私
賊其霜在草根土隙間不教而誅茲謂虐其霜反在
草下

潛龍勿用衆逆同志至德廼潛厥異風其風也行不
解物不長雨小而傷政悖德隱茲謂亂厥風先風不
雨大風暴起發屋折木守義不進茲謂耄

宋志
作眊厥風

與雲俱起折五穀莖臣易上政茲謂不順厥風大猷

宋志作踐

發屋賦歛不理茲謂既厥風絕經緯

宋志作紀

止卽

溫溫卽蟲侯專封茲謂不統厥風疾而樹不摧穀不成辟不思道利茲謂無澤厥風不摧木旱無雲傷禾公常於利茲謂亂厥風微而溫生蝗蟲害五穀棄正作淫茲謂惑厥風溫螟蟲起害有益人之物侯不朝茲謂叛厥風無恒地變赤而

宋志作雨殺人

臣安祿茲謂貪厥災蟲食根德亡常茲謂煩蟲食葉不絀亡德蟲食本與東作爭茲謂不時蟲食節蔽惡

生孽蟲食心

類聚引此云孽惡生孽蟲食苗心妖害忠孝蟲食苗根王者與諸侯爭蟲食苗

節莖德無節盡食葉

臣事雖正顓必正其震於水則波於木則推於屋則瓦落大經在辟而易臣茲謂陰動厥震推政宮大經推政茲謂不陰厥震推山山出涌水嗣子無德專祿茲謂不順厥震動上陵涌水出

有蜺蒙霧霧上下合也蒙如塵雲蜺日旁氣也

初學記引

此文云蜺日旁氣其占云妻乘夫則見之陰勝陽之表也其占曰后妃有專蜺再重赤而專至衝早妻不壹順黑蜺四背又白蜺雙出

日中妻以貴高夫茲謂擅陽蜺四方日光不揚解而
溫內取茲謂禽蜺如禽在日旁以尊降妃茲謂薄嗣
蜺直而塞六辰廼除夜星見而赤女不變始茲謂乘
夫蜺自在日側黑蜺果之氣正直妻不順正茲謂擅
陽蜺中窺貫而外顯夫妻不嚴茲謂嫖蜺與日會婦
人擅國茲謂頃蜺白貫日中赤蜺四背適不答茲謂
不次蜺直在左蜺交在右取於不顯茲謂危嗣蜺抱
日雨未及君淫外茲謂下蜺氣左日交於外取不達
茲謂不知蜺白奪明而大溫溫而雨尊卑不別茲謂

蝶蜺三出三已三辰除除則日出且雨臣私祿及親
茲謂罔辟厥異蒙其蒙先大溫已蒙起日不見行善
不請於上茲謂作福蒙一日五起五解辟不下謀臣
辟異道茲謂不見上蒙下霧風三變而俱解立嗣子
疑茲謂動欲蒙赤日不明德不序茲謂不聰蒙日不
明溫而民病德不試空言祿茲謂主竄臣天蒙起而
白君樂逸人茲謂放蒙日青黑雲夾日左右前後行
過日公不任職茲謂怙祿蒙三日又大風五日蒙不
解利邪以食茲謂閉上蒙大起白雲如山行蔽日公

懼不言道茲謂蔽下蒙大起日不見若雨不雨至十
二日解而有天雲蔽日祿生於下茲謂誣君蒙微而
小雨已乃大雨下相攘善茲謂盜明蒙黃濁下陳功
求於上茲謂不知蒙微而赤風鳴條解復蒙下專刑
茲謂分威蒙而日不得明大臣厭小臣茲謂蔽蒙微
日不明若解不解大風發赤雲起而蔽日衆不惡惡
茲謂蔽蒙尊卦用事三日而起日不見漏言亡喜茲
謂下厝用蒙微日無光有雨雲雨不降廢忠惑佞茲
謂亡蒙天先清而暴蒙微而日不明有逸民茲謂不

明蒙濁奪日光公不任職茲謂不絀蒙白三辰止則
日青青而寒寒必雨忠臣進善君不試茲謂遏蒙先
小雨雨已蒙起微而日不明惑衆在位茲謂覆國蒙
微而日不明一溫一寒風揚塵知佞厚之茲謂庫蒙
甚而溫君臣故弼茲謂悖厥災風雨霧風拔木亂五
穀已而大霧庶正蔽惡茲謂生孽災厥異霧

忠臣進善君不試厥異國生蜮

穀梁傳注試作識異作咎

衆心不安厥妖

龍

有德遭害厥妖龍見井中行刑暴惡黑龍從井出

亡師茲謂不御厥異日食其食也既並食不一處誅
衆失理茲謂生叛厥食既光散縱畔茲謂不明厥食
先大雨三日雨除而寒寒卽食顓祿不封茲謂不安
厥食既先日出而黑光反外燭君臣不通茲謂亡厥
食三旣同姓上侵茲謂誣君厥食四方有雲中央無
雲其日大寒公欲弱主位茲謂不知厥食中白青四
方赤已食地震諸侯相侵茲謂不承厥食三毀三復
君疾善下謀上茲謂亂厥食既先雨雹殺走獸弑君
于位茲謂逆厥食既先風雨折木日赤內臣外鄉茲

謂背厥食食且兩地中鳴冢宰顓政茲謂因厥食先
大風食時日居雲中四方亡雲伯正越職茲謂分威
厥食日中分諸侯爭美於上茲謂泰厥食日傷月食
半天營而鳴賦不得茲謂竭厥食星隨而下受命之
臣顓征云試厥食雖侵光猶明若文王臣獨誅紂矣
小人順受命者征其君云殺厥食五色至大寒隕霜
若紂臣順武王而誅紂矣諸侯更制茲謂叛厥食三
復三食食已而風地動適讓庶茲謂生欲厥食日失
位光晦晦月形見酒亡節茲謂荒厥食乍青乍黑乍

赤明日大雨發霧而寒

美不上人茲謂上弱厥異日白七日不溫順亡所制
茲謂弱日白六十日物亡霜而死天子親伐茲謂不
知日白體動而寒弱而有任茲謂不亡日白不溫明
不動辟譽公行茲謂不伸厥異日黑大風起天亡雲
日光晦不難上政茲謂見過日黑居仄大如彈丸
辟不聞道茲謂亡厥異日赤

祭天不順茲謂逆厥異日赤其中黑聞善不予茲謂
失知厥異日黃夫大人者與天地合其德與日月合

其明故聖王在上總命羣賢呂亮天功則日之光明
五色備具燭耀以主有主則爲異應行而變也色不
虛改形不虛毀觀日之五變足呂監矣故曰縣象著
明莫大乎日月此之謂也

日食從旁右者君失臣從旁左者亦君失臣從上者
臣失君從下者君失民

經稱觀其生言大臣之義當觀賢人知其性行推而
貢之不則爲聞善不予茲謂不知厥異黃厥咎孽厥
災不嗣黃者日上黃光不散如火然有黃濁氣四塞

天下蔽賢絕道故災異至絕世也

經曰良馬逐逐進也言大臣得賢者謀當顯進其人
不則爲下相攘善茲謂盜明厥咎亦不嗣至於身僂
家絕

幹父之蠱有子考无咎子三年不改父道思慕不皇
亦重見先人之非不則爲私厥妖人死復生

睽孤見豕負塗厥妖人生兩頭下相攘善妖亦同人
若六畜首目在下茲謂亡上正將變更凡妖之作以
譴失正各象其類二首下不壹也足多所任邪也足

少下不勝任或不任下也凡下體生於上不敬也上
體生於下嫫嫫也生非其類淫亂也人生而大上速
成也生而能言好虛也羣妖推此類不改乃成凶也
婦貞厲月幾望君子征凶言君弱而婦彊爲陰所乘
則月並出晦而月見西方謂之朏朔而月見東方謂
之仄慝仄慝則侯王其肅肫則侯王其舒

夏雨雪戒臣爲亂

君不任賢厥妖天雨星

君吝於祿信衰賢去厥妖天雨草

前樂後憂厥妖天雨羽

邪人進賢人逃天雨毛

佞人祿功臣僂天雨血

復崩來无咎自上下者爲崩厥應泰山之石顛而下
小人剝廬厥妖山崩茲謂陰乘陽弱勝彊

天子弱諸侯力政厥異水闕

君溺於酒淫於色賢人潛國家危厥異流水赤

君臣相背厥異名水絕

尊卑不別厥妖女生赤毛

男化爲女宮刑濫也女化爲男婦政行也

冢宰專政厥妖人生角

妖言動衆茲謂不信路將亾人司馬死

棄正作淫厥妖木斷自屬妃后有顓木仆反立斷枯
復生天辟惡之

令不修本下不安金無故自動若有音

興繇役奪民時厥妖牛生五足

臣易上政不順厥妖馬生角茲謂賢士不足

天子親伐馬生角

衆心不安君政厥妖豕入居室

廢正作淫大不明國多麋

穀梁傳注引此云爲火不明則國多麋

震遂泥厥咎國多麋

執政失下將害之厥妖狗生角

君子苟免小人陷之厥妖狗生角

夫婦不嚴厥妖狗與豕交茲謂反德

有始無終厥妖雄雞自齧斷其尾

賢者居明夷之世知時而傷或衆在位厥妖雞生角

婦人顓政國不靜牝雞雄鳴王不榮

逆親親厥妖白黑鳥鬪於國

專征刼殺厥妖烏鵲鬪

辟退有德厥咎狂厥妖水鳥集於國中

距諫自彊茲謂卻行厥異鵙退飛

又曰適當黜則鵙退飛

賊臣在國厥咎燕生爵諸侯銷

衆逆同志厥妖河魚逆流上

海數見巨魚邪人進賢人疏

立嗣子疑厥妖蛇居國門鬪

祭天不慎厥妖鼯鼠齧郊牛角

子不子鼠食其郊牛

誅不原情厥妖鼠舞門

臣私祿罔辟衆妖鼠巢

並前漢書五行志

小人在位上下咸悖厥妖城門內崩

大作不時天降災厥咎蝗蟲來

蜺之比無德以色親也

並後漢書五行志

凡爲王者惡者去之弱者奪之易姓改代天命有常

人謀鬼謀百姓與能

魏志紀注

聖人清靜行乎中正賢人至民從命厥應麒麟來

聖人受命厥應鳳凰下

上下流通聖賢昌厥應帝德鳳凰翔萬民喜樂無咎

殃

並宋書
符瑞志

殺無辜則牛生妖

君用婦人言則雞生妖

並宋書
五行志

冬雨天下飢春雨有小兵

野獸羣鳴邑中且空虚野獸入室及上官府門有大

害

並南齊書五行志○案
隋志引此作易飛候

震擊貴臣門及屋者不出三年佞臣被誅

隋志

河水清天下平

水經注。○文選注。引此作黃河清。

日月大光天下和平上下俱昌延年益壽長世無極也

木同本異枝其君有慶鄰邑來附者吉木生於屋上及朝廷其君生聖子木王而有實其國有慶木生於城脅一圍已上長數丈此謂城彊其君大昌

並類聚

青白赤黑雲在東西南北名曰四塞之雲見卽有雨漢川有黑雲大如席不過五日必雨名曰海雲

赤雲如兔蜀國當富

並書錄

狔將風則踴躍欲雨則鳴

續博物志

日者衆陽之精內外玄黃五色無主以象人君精精似青翼翼似黑玄玄似赤縞縞似白煌煌似黃光照無主不可以一色名也

月與星至陰也有形無光日照之乃有光喻如鏡照日卽有影見月初光見西方已後望光見東方皆日所照也

地動陰有餘天裂陽不足此臣下盛彊之變也

當雷不雷陽德弱也

飛雹不盡樹木枝害五穀者君賦斂刻民也

內淫亂百姓勞苦則天兩土

伯勞聚邑中歲災伯勞鳴軍中師分而水且至

人君無惠澤於下則小旱

后顓拜厥風疾而樹不搖不循道厥風不搖草

火失其性則草妖

並御覽

易飛候

漢 東郡京房撰

餘干張文煌校

正月有偃月必有嘉主

青雲潤澤蔽日在西北爲舉賢良黃雲如覆車大豐

也並類聚○說郛引此文云視四方
常有青雲主豐雲在西南爲舉士

何以知聖人隱風清明其來長久不動推物此有龍
德在下也何以知賢人隱四方常有火雲五色具而
不已其下賢人隱

夏至後有雲大如車蓋十餘丈此陽火之氣必暑有

喝死者

並御覽

霜成就萬物

書錄

凡候雨以晦朔弦望雲漢四塞者皆當雨東風曰雷
雨暴有黑雲氣如船覆於日下當雨有黑雲氣如斗
牛羣當雨暴有異雲如水牛不三日大雨黑雲如羣
羊奔如飛鳥五日必雨雲如浮舡皆雨北斗獨有雲
不五日大雨四望見青白雲名曰天寒之雲雨微蒼
黑雲細如桴軸蔽日月五日必雨雲如兩人提鼓持
桴皆爲暴雨

候雨法有黑雲如一疋帛向日中卽日大雨二疋爲

二日大雨三疋爲三日大雨

一作風角要
占○並御覽

大平之時十日一雨凡歲三十六雨此休徵時若之

應

初學
記

天雨土百姓勞苦而無功

天雨毛其國大饑

羽日風天下昏人大疾不然多寇盜

並隋書
五行志

虹八月出西方粟貴

御覽

地以春動歲不昌以夏四月動五穀不熟人大饑以

十一月動者其邑饑冬動有音以十二月動者其邑有行兵

食祿不益聖化天示

一作視

以蟲蟲無益於人而食萬

物也

雞鳴不鼓翅國有大害雞夜鳴急令昏而鳴百姓有事人定鳴多戰夜半鳴流血漫漫

並隋志

鼠舞於庭厥咎誅死

類聚○以上易飛候

鎮星於兵爲鼓於經爲易易爲五經首鼓爲五兵長

陣雲貫月韓魏以此雲爲占

雲形如鳥其下至兵雲形如帶其下有兵

並書鈔

雲霧四起則時多隱士

事類賦注

日蝕有小旱災

三公與諸侯相賊弱其君王天應而日蝕三公失國後旱且水

諸侯相侵以自益近臣盜竊以爲積天子未知日爲之蝕

戊戌食婚嫁家欲僇

庚寅蝕骨月相賊後有水

丁亥蝕君臣無別

庚辰蝕君易賢以剛卒以自傷後有水

天冬雷地必震教令擾

並後漢書志注○御覽引此文云政教令擾則冬雷民饑

正月建寅律爲大簇雞雉萃尾招搖生聚少陽解凍其氣溫柔逆之則寒

七月建申律爲夷則蟋蟀鳴鳩化爲鷹

春分退食殘進柔良

書鈔引作溫良

恤幼孤賑不足求隱逸

則萬物應節而生隨氣而長所謂春令也

並類聚

春夏寒政教急

御覽

夏至離王景風用事人君當有德封有功書

立秋坤王涼風用事

文選注引易占云立秋報地功

秋分人君釋鐘鼓之縣

立冬乾王不周風用事人君當與邊兵治城郭行刑

罰斷獄訟繕宮殿

並類聚

冬至坎王廣漠風用事人君決大刑斷獄訟繕宮殿

封倉庫

獄吏暴害人臣專政暴風折木

暴風折柱大邑憂暴風折木茨草上屋且有急令

獨祿風入宮辟公亡飄數相從入殿門有凶疾憂以此亡飄留君門一日一夜不去亂兵在門

無雲而雨名曰天泣軍沒不還雨不沾衣名曰鬼泣其軍必敗

天雨穀歲大熟

書鈔又引此云天雨金歲大熟

天雨粟不肖者食祿三公易位

天雨稻大臣嘗扑誅

天雨黍粟大人出走

天雨棗小民流亡

燕丹因於秦天雨粟於燕後秦滅之

平帝時雨草狀如蓋

萬民勞厥妖天鳴

金失其性地生毛以爲人勞之應

並御覽

君臣暴虐臣下橫恣上下相賊後有地動

江河溢者天有制度地有里數懷容水澤浸漑萬物

今濫者明在位者不勝任也三公之禍不能容也率

執法者利刑罰不用常法

並後漢書志注

牛能言如其占吉凶

宋志

免止城上邑必虛入宮生子宮空

山見白燕其君且得貴女

海燕自來衆燕隨之穀不登失春政則蒼燕見於邑
民多流亡失夏政則赤燕見於邑失秋政則白燕見
於邑失冬政則黑燕見於邑皆如春占

蟻無故當道若門戶城郭聚主水且傷人

並御覽

雷以十一月起黃鐘二月大聲入戶閉藏此以春夏
殺無辜不須冬刑致災螽蟴出行不救之則冬溫風
以其來年疾病其救也恤幼孤賑不足議獄刑賞適

罰則災消矣

人君無施澤惠利於下則致旱也不救必蝗蟲害穀其救也賞譴罰行寬大惠兆民勞功吏賜矜寡寡不足

天生萬物百穀以給民用天地之性人爲貴今蝗蟲四起此爲國多邪人朝無忠臣蟲與人爭食居位食祿如蟲矣不救致兵起其救也舉有道置於位命諸侯試明經此災消也

並後漢書志注
○以上易占

歲星失度何人君不仁春殺無辜則歲星失度其救

也慈仁敬讓廣施恩惠無犯四時則歲星承度災眚
失度何人君內無法理輕薄房室外行慢易斂奪民
財則熒惑失度其救也爵賢位德養幼育孤命樂師
趨鞀鼓合歡欣則熒惑還度天心得矣大白失度何
人君寡恩無義懦弱不勝任則大白失度其救也舉
有義任威用武則大白復兵氣消矣鎮星失度何人
君內無仁義外多華飾則鎮星失度其救也治社稷
修明堂近方直之人此災自消也辰星失度何人君
不能自彊政治則辰星失度其救也明刑慎罰審法

必中

雷電殺人何夫雷天拒難折衝之臣也人君承用節度卽雷風以節暴行威福則雷電殺人其救也議獄緩死則災消矣

以上五星占

雷鳴連而不絕者何夫雷鳴萬里懼今鳴不絕此謂人君行政事民不恐懼也故致連雷之災雷當先電而鳴今與電俱出或鳴而後電何此謂執法者貪所致災也

虹霓近日則姦臣謀其救也釋安樂誠非常正股肱

入賢良

人君擅私恩恣意重情不與臣下同謀卽致偏雨夜
墮也不救致苦雨降萬民絕潦水絕道其救也興公
道無私黨此災消矣

廻風起何風者天之號令也當直而枉並不偏佞
人衆君迷惑則廻風起不救則至逆風起其救也用
公直黜邪枉此災消矣

狂風發何人君政教無法爲下所逆則致狂風發泄
其救也修政教聘賢士此災消矣

人君罰賊良善政教無常使命數變則致暴風折大
發屋鳴瓦其救也修舊典任忠臣思過自改則此災
消矣

並御覽

大平日行上道升平行次道霸世行下道

隋書玄充傳○以上

別對
災異

序錄

隋志五行家郭璞撰易洞林三卷

宋志一卷

晉書本傳曰郭璞字景純河東聞喜人博學有高才而訥於言論好古文奇字妙於陰陽算厯有郭公者客居河東精於卜筮璞從之受業公以青囊中書九卷與之由是遂洞五行天文卜筮之術爲著佐郎遷尚書郎嬰王敦之禍璞撰前後筮驗六十餘事名爲洞林又抄京費諸家要撮更撰新林十篇卜韻一篇注釋爾雅別爲音義圖譜又注三十篇卜韻一篇注釋爾雅別爲音義圖譜又注三

蒼方言穆天子傳山海經及楚辭子虛

胡氏翼傳曰景純得青囊書遂洞五行天文卜筮
之術嘗撰前後筮驗六十餘事名爲洞林斷法用
青龍朱雀勾陳騰蛇白虎玄武六神及太歲諸煞
神時日旺相等推算靈驗無比又抄京費諸家最
要更撰新林十篇卜韻一篇大抵只用卦爻不假
文字然雜以說相葬法行符壓勝之術徃徃流於
技藝而易道日以支離卑下矣

經義考曰按郭氏洞林初學記嘗引之雙溪胡氏

撰啓蒙翼傳云世罕有其書從王楚翁才古抄得之則元時此書尙存也洞林之文有三言者有四言者有七言者驗其占法靡不奇中所謂林者自爲韻語占波之辭猶存左氏傳餘意

謨按玉海云崇文書目止存洞林一卷載二十二事朱震易叢說引之據經義考說此書元時尙存如胡氏翼傳所引同人之章隨之升諸卦體例大畧與焦氏易林相似惜全書散軼無可考旣說郭亦元人陶氏所輯中有洞林篇目然僅數條與胡

氏翼傳又無一合者不知此書元時果存否也今
並鈔出類聚三條書鈔三條初學記二條御覽九
條廣記說郛二條經義考九條又按朱子周易本
義亦引洞林二條一泰卦初九拔茅茹以其彙征
吉云洞林讀至彙征字絕句一小過初六飛鳥以
凶云洞林占得此者或至羽蟲之孽以本說未詳
附識於此

周易洞林

晉

河東郭璞撰

安福劉星海校

梁元帝序曰蓋聞玄枵之野鬼方難測朱鳥之舍神
道莫知而緹縵曉被旣辯黃鍾之氣靈臺夕望便知
玉井之色復以談乎天者雖絕名言之外存乎我者
還居稱謂之中余幼學星文多歷歲稔海中之書畧
皆尋究巫咸之說偏得研求雖紫微迢遞如觀掌握
青龍顯晦易乎窺覽羨門五將巫經玩習韓終六壬
常所寶愛至如周王白雉之筮殷人飛燕之卜著名

聚雪非關地極之山卦有密雲能擁西郊之氣爻過
七聖世經三古山陽王氏真解談玄河東郭生纔能
射覆兼而兩之竊自許矣

藝文類聚

同人之革曰朱雀西飛白虎東起姦猾銜璧敵人束
手占行得此是謂无咎

隨之升曰虎在山右馬過其左駁爲功曹猾爲主者
垂耳而潛不敢來下爻升虛邑遂釋魏野

豫之小過曰五月晦日羣魚來入州城寺舍

下有缺文

旣濟曰小狐汔濟垂尾累衰初雖偷安終靡所依繫

卦言之秋吉春悲

否曰乾坤閉塞道消長虎刑挾鬼法凶亂亂則何時
時建寅僵尸交林血流杵此占行者人塗炭

小過之坤曰小過之坤卦不奇雖有卦氣變陽離初
見勾陳被牽羈暫過則可羈不宜將見劫追事幾危
賴有龍德終无疵

遜之姤曰卦象出墓氣家凶變身見絕鬼潛游爻墓
充刑鬼煞俱卜病得此歸蒿且誰能救之坤上牛若
係子色吉之尤

豫之辭曰有釜之象无火形變見夜光連月精潛龍
在中不游行案卦卜之藻盤鳴金爻所憑无咎慶
賁之豫曰時陰在初卦失喪煞陰爲刑鬼入墓建未
之月難得度消息卦爻爲扶助馮馬之師乃寡嫗自
然奇救宜粲兔于若恤之得守故

並啓蒙翼傳

水不下澗雲不登天泥沈致官守不堅

臨淮太守柳道明令璞作卦說之曰法官婦當夢豫
問之果然便教令取井底泥泥竈欲常應道卽如法
日中塗之至黃昏火凡十起竈室兩間而止其婦果

亡

卷縣令施安置鑷令璞射之璞曰非簪非釵

周易黃說引作

簪非簪釵非釵

常在傾下鬢髮飾物是有兩岐

並書鈔

璞避難至新息有以某萸令璞射之璞曰子如赤鈴含京珠案文言之是某萸

璞爲左尉周恭卜云君且墮馬傷頭射後乘馬行黃

昏坂下有犢車觸石馬驚頭打石上流血殆死

並類聚

宣城郡有隱鼠大如牛形似鼠象脚腳有三甲皆如

驢蹄身赤色背前尾上皆白

初學記所引止此下大從晉書本傳鈔補

力而遲鈍來到城下衆咸異焉殷祐使人伏而取之
令璞作卦遇遯之蠱四艮體連乾其物壯巨山潛之
畜匪兇匪虎身與鬼并精見二午法當爲禽兩翼不
許遂被一劍還其本墅案卦名之是爲驢鼠卜適了
伏者以戟刺之深尺餘遂去不復見

案晉書本傳又云元帝初鎮建

郭王導令璞筮之遇咸之井璞曰東西郡北有武名
者當出鐸以著受命之符西南郡縣有陽名者并當
沸其後晉陵武進縣人於田中得銅鐸五枚歷陽縣
中井沸經日乃止及帝爲晉王又使璞筮遇豫之睽
璞曰會稽當出鐘以告成功上有勒銘應在人家并
泥中得之辭辭所謂先王以作樂崇德殷薦之上帝
音也及帝卽位大興初會稽剡縣人果於井中得一
鐘長七寸二分口徑四寸半上有古文奇書十八字

云會稽縣命餘字時人莫識之
此文亦當本湖林附錄於此

義興方叔保得傷寒垂死令璞占之不吉令求白牛
厭之求之不得唯羊子京有一白牛不肯借之璞爲
致之卽日有大白牛從西來逕往臨叔保驚惶病卽

愈

並初學記

曲阿令趙元瞻兒字虎舒從吾學卜自求蓍作卦見
吾有盛艾小陵龜欲得之不與語之曰當作卦相爲
致此物合自來復數日果有一龜入廐虎舒後見吾
言偶有一物試可占之若得當再拜輸一好角弓卽

便作卦曰案卦之文是爲龜虎舒奉弓起再拜

東中郎參軍周稚炎卦蠶蛾載蟲使璞射之璞曰射
覆得此大落度必是蠶蛾及毛蠹稚炎饒鬚故因以
調之也

殷鴻喬令吾作卦得大壯之夬語之云慎勿與許姓
者共事田作也必鬪相傷殷還先成遂與許姓共田
田熟有所爭此人舉杖欲撞之鴻喬退思中間之界
辭謝許乃得休

吳興太守袁玄瑛當之官筮卦吉凶璞曰法官至當

主赤蛇爲妖不可殺及至果有赤蛇在銅虎符石函上蟠玄瑛摘殺之其後果爲賊徐福所害

揚州從事慎曜伯婦病因經日發作有時如聞物往來者其兄周彥武令吾作卦得蹇身在戌與坎鬼并卦中當有從東北田家市黑狗畜之以代人任患死無幾時狗便死復更養如前凡三過養輒皆吐血而死婦亦病死

寧遠參軍弼景則其姊適吾病四十餘年暫歸來在其家令吾卜之得明夷之小過然病每欲動時輒有

鳥來鳴卽便發作案卦中當取得獨蹄猪畜之如其
言後婦人如欲眠而見一丈夫衣服盡黑在戸前立
遙呼婦人語其來前不肯言有所避遂泣而去病始
小間吾嘗與殷祐共論此事曰鳥日禽猪月畜水火
相忌自然之數故取大陰之伏物用消大陽之飛精
目中三足故以獨足者當之

流移道路諸人並欲令璞射覆人人自持五月五日
蜘蛛者物悉驗遂不復射

大子洗馬荀子驥家中以龍銅魅作食歛鳴

丞相從事中郎王文英家枕自作聲

並太平御覽

中宗爲丞相時有雞雛者而雀飛集其背驅之去而復來如此再三令璞占之云雞者酉酉者金夫雀變而來赴之卽晉王踐祚之象也

元帝時三雀共登一雄雞背三入安東廳占者以爲當進三爵爲天子

有日者柳林祖善卜筮其妻曾病鼠癭積年不瘥漸因垂命林祖遂占之得頤之復案卦中應得姓石者治之當獲灸鼠而愈也旣而鄉里有一賤家果姓石

自言能除此病遂灸病者頭上三處覺佳俄有一鼠
色黃秀逆前噉噉然伏而不動呼犬噬殺之視鼠頭
上有三灸處病者自瘥

並太平
廣記

口爲流珠青龍之俱

趙朔善占卦氣客有卜田者得履之巽朔曰子歸家
有逸豚已而果然

並說
邪

序錄

唐志衛元嵩元包十卷蘇源明傳李江注

隋志無

崇文總目曰元嵩唐人撰武功蘇源明傳趙郡李江注包以坤爲首因八純之官以生變極於六十
四自繫其辭言外卦體不列爻位以謂易首乾尙
文包首坤尙質夏連山商歸藏周易唐包其實一
也雖欲馳騁而放言趨理近止易家之區鄙云
文獻通考晁氏曰元包以坤爲首因八卦世變爲
六十四卦之次又著運著說源二篇統言卦體不

列爻位自云周易元包一也 陳氏曰其書以八卦爲八篇首而一世至歸魂各附其下先坤次乾兌艮離坎巽震坤曰大陰乾曰大陽餘六子有孟仲少之目每卦之下各爲數語意僻怪文險澁不可深曉也

謨案經義攷引釋道宣云衛元嵩本河東人遠祖從宦遂家於蜀梁末爲僧羊狂浪蕩周氏平蜀因爾入關天和二年嘗尙書楊揖序則云益州成都人獻策後周賜爵持節蜀郡公武帝尊禮不敢臣

之有傳見北史其出處本末確有可據如此安得
以爲唐人而隋志竟不載此書唐志則以列於元
載李吉甫書後豈以其人名迹稍晦書亦未大行
於世修史諸臣故從而畧之耶今世亦少傳本全
書僅見陶氏說郛西吳潘氏節入古逸書經義攷
列存書目前後有李江楊楫序張洸跋文多不錄
今仍從說郛本鈔錄惟潘氏逸書於大陰大陽各
卦爻下皆有註釋意卽李江註也今特采補

元包

後周 成都衛元嵩撰 南城蔡夢熊校

大陰第一

三三

坤下坤上

坤亢

音恍春熙

井

音莽夏茂

莫

秋落

黔

冬立

灰

音吟衆森

植也

國

音通匿藏

靖而不躁

陰之德也

樸而不飭

質之體也

羣類

困

音說

育

音庚

物

音幸

植厥施

音惟

熙厥助

音惟

惟極

三三

震下坤上

復

音么

小

伊堯切

玄

遠也

雷

音辰

旋

音蜃

氣

陽之動也

于莫

冥也

物萌于困

古淵字

三三

兌下坤上

臨

音甞

衆也

飲

音吁

欣欣

理者悅也

組

綬之帶

璽印之文

三三

乾下坤上

泰

音昊氣也

入于困

天氣降也

回浮于玄

天地氣上也

五之交

陰陽接也

氣之亘

音宣天地通也

三三

乾下震上

大壯

音厥強力也

仡仡

許迄切健也

趨

音剔

歛歛

切動也

頁

音頤頭也

趾趨

音顛頓也

足

音首同出反

三三

乾下兌上

夫諤

言也

之訐

音牙決也

鑒

音堅

之詰

陽

長柔

佞

音缺

三三

乾下坎上

需

音顛顛也

聰困困

深也

雲浮于天

行明也

流于天

通也雲趾坎象

卑傳

高不高

尺尹切

卷之進詰之逃

三三

坤下

否

蒙音 冪冪

音覓地

霽

音 霽

霽

山責切天

天地不相合陰陽不相索

求也

大人失小子獲

柔佞在內

三三

坤下

觀號振振

音真發令

醜牲牲森朱于井

木茂

鳳音休

盪于垠

三三

坤下

剝

音 剝

艮之

輿之拑

音折坤

尸氏

音

山欲墮

于陵

山崩 瓜

宸于石

人遁

三三

坤下

晉

音 晉

井井

地廣

界

音 昕昕

覲

音欣 覲

醜

切 舉

于垠

照遠也

三三

乾下離上

大有燾山

宇三

音蠱蠱

音鮮

音明

音鑒

于頁

目視

品灼于天

日耀

少陰第三

三三

兌下兌上

兌詠之謀誥之訓

與酬

諤之訐謠之謳

三三

坎下兌上

困胡晦泓竭聰蒙訟噎疒罹于憂詠加于

講

音廣

萃蒸昭蹕

三三

坤下兌上

萃蒸昭蹕

音蹕

音宜

牲萃侖攢明姪

姪

音

言調調

三三

艮下兌上

咸陰之涵陽之覃澤潤于戶女悅于男

三三 艮下坎上

蹇蹇困困

蹇音蹇 蹇音蹇

戶顛顛

戶音業

芳靡返

芳音隱

號靡遷

號音幸

憩于險間愀然俚然

三三 艮下坤上

謙牲庋于岫稚牧于姥塵幕于巖石瘞于

土

三三 艮下震上

小過下拂拂

拂音拂

上悸悸趾之趨

趨音顛

爪之墜

少陽第四

三三 艮下艮上

艮岫八八

岫音誥

北爻爻

爻音撥

門之非徑之

辛

三三 離下艮上

銘文

多音

萋萋闐闐

萋音模

闐儒于

鬻練戎于軍

三三

乾下艮上

大畜弋艸頁

艸音越攀

辟羃氓六爻不嚴子

不處仡而不奮幹而不旋

三三

兌下艮上

損扠且務

扠音宰務音釐

耗而務上之掠下之呶

呶許
黎切

三三

兌下離上

睽睽之炎泓之潛婦眈眈

眈古視字

妾言誨

誨

音髯

三三

兌下乾上

履上顛顛下困困言出于頁

顛音頤

澤隆于天

三三

兌下巽上

中孚內出其詔外從其號陽卜于中陰庚

于與

三三

艮下巽上

漸崙禾于戶

崙音端

髡統于碣

統音莘

我之艸

是之歟

仲陰第五

三三

離上離下

離炎炆炆

他冬切

焱烘烘

焱必遙反

眊固覲視界

晶皞空

皞音睥

三三

艮下離上

旅童竊妻婦奔自閨眎之臭爪之攜蕪爨

于戶

蕪而悅切爨千亂切

奔泗于磳

奔與淪同

三三

巽下離上

鼎文物殷旌鉦鈇

鉦音延

符顯其詔炎燎其

薪

三三

坎下離上

未濟水火相比陰陽忒月之虧日之

三三

坎下艮上

蒙攸聶經寃

攸乃類切

冪辟嬰痛

烏亥切

季陵子

仲石瘞于泉旒靡適戾

音旒靡旋

三三

坎下巽上

渙蠱盪森采

采音彌

颯旋濶濶舟澆于瀆

彪飄流于殍

三三

坎下乾上

訟偃弭胥執

弭音奇

辛詒胥繫

辛音愆詒其兩切

直

嘉嘉曲昭昭

嘉音繫昭音戢

三三

離上乾下

同人京揭揭炎烈烈界囿于天晴鑒于頁

鑒音

仲陽第六

三三

坎下

坎上 坎 彖 困 困

困音

魄 亨 亨 辛

愆音

之 囚

女 洽

俘

之 攀

三三

兌下

坎上 節 夫 咋 咋

則 章

妾 悚 悚

疎 隔

言 聿 于 總 水

泓 于 澤

聿子

三三

震下

坎上 屯 雲 霧 霧

莫 浮

胡 纛 纛

幽 音

雷 奮 于 彖

釐 音

龍 濟 于 湫

三三

離下

既 濟 水 火 胥 納 陰 陽 不 櫟

當作

日 之 交 月

之合

三三

離下兌上

萃娣媚歎

媚云貴切歎吁物切

姊姒勿勿澤之湯

之戊

三三

離下震上

豐界之幹晴之姦

音諮

雷礲礲

音隱

電烜烜

當葛

反

三三

離下坤上

明夷晶冥炎潛罔映覘苦

苦失廉切

陰氣積陽

明燿

三三

坎下坤上

師濱之濱地之垠辟辨辨

音辯

醜牲牲

孟陰第七

三三

巽上

巽傲么兹

傲音叔

卒飄颻拔戶扒氏

扒音屏

至

垠突坐

至音日突音扶坐與幽同

三三

乾上

小畜颺旋旋芥山山髀之反頁之趨

三三

離上

家人娣姁侖姑媚姓尸余炎爨余薪

三三

震上

益婦進以禮天合其體風從于雷趾受于

解

受平表切

三三

震上

无妄頁顛顛趾延延子欽于父雷奮于天

三三

震上

噬嗑列缺搏礪礪灼

礪先念切礪徒念切

睛睽睽

式冉

切
廿彘彘

廿音閏

三三震下

頤爪私曰趾彳

上赤下音

上嫺嫺

胡問切

下

遂

三三巽下

蠱飄粵手

粵普丁切

尸碯碯

碯戶冬切

蠱恠于

而妓媚于

孟陽第八

三三震下

震龍之赫

讎達答切

霆之若

若呼麥切

悚忪忪

忪職容切

駭悚悚

悚音索

三三坤下

豫駟羈羈

彪音

輦轟轟咏歌奏和雷奮龍行

三三坎下

解雷趨于殳

趨他歷切

龍躍于陂悻悻悻悻

叩

三三 震上 恒夫嚴不闕闕音婦順不逆陰陽胥媿匹

切 雷風胥激

三三 坤上 昇輿之羸羸之徂般運于腹婦歸于姑

三三 坎上 井機聯聯組牽牽采厥皿躋厥困

三三 兌上 大過娣越姒娼陵姊風采于陂舟休于水

休音 溺

三三 震下 隨男有嫡女有嫡適音言侃侃笑款款款許

運著第九

五行之數一曰水二曰火三曰木四曰金五曰土此其生也六曰水七曰火八曰木九曰金十曰土此其成也凡五行生成之數五十有五肇於勿芒動於冥默物休咎於未形辨憂虞於既惑鬼出神入而變化無窮窮幽洞靈而生成不息體混茫之自然與天地而爲極寔所謂微妙玄通深不可測故仲尼曰天一地二天三地四天五地六天七地八天九地十天數五地數五五位相得而各有合天數二十有五地數三十凡天地之數五十有五此所以成變化而行鬼

神矣易用四十九策者窮少陽也包用三十六策者
極太陰也窮少陽蓋尚文也極太陰蓋尚質也文質
之變數之由陽不窮九陰不極八明大衍之不可過
也陽之策一十有二陰之策二十有四凡三十有六
蓋取數於乾坤五行八卦同符合契共而爲一曰太
一分而爲兩曰兩儀揲之以三曰三才營之以四曰
四時歸餘於終取象於閏數之閏也在於左陽之動
也數之萌也在於右陰能生也

混茫旣判天地闢矣天地旣闢三統分矣三統旣分

四時序矣四時既序閏斯生矣正閏相生數無窮矣
說源第十

在昔哲王受明命皆能變文質順陰陽大矣哉此帝
王之能事也古者天生人而未樹之以君上下交雜
品位紛錯陰陽初分文質未作庖犧之王天下也畫
八卦法三才而一之質斯尙文之代也自黃帝暨乎
堯舜垂衣裳而天下理蓋取諸乾則尙文也取諸坤
則尙質也通其變而使民不倦神而化之使人宜之
是以自天祐之吉無不利後夏有連山殷有歸藏周

有周易皆卦次不同而筭術各異斯文質之更變也
仲尼有言其或繼周者雖百世可知也斯則百王不
易之道明矣自茲以降代歷千禩人非一性窮奢極
麗飫欲厭心不能正本澄源反文歸質若河傾海覆
汎濫平陸流盪無依迄至今日而莫之變也夫王者
之有天下必改正朔易服色以其既往者廢將來者
興是以三皇之王五帝之禮樂不相沿禮不相襲且
物極則反理有固然又質之體其將變矣詰人觀象
立言垂範作則將以究索厥理匡贊皇極推吉凶於

卦象陳理亂於邦家廣論易道冀裨帝業蓋時尙質
之書也嗚呼采世人之訂述作之意焉爾